



www.BibleForChildren.org

Matius 26



Ya mehine mbai
Paskah ya bere mo
kolowainye, Yesus
Betania yore eke.
Nebei anuwaunge Lazarus
herekera Yesus yae
waleungeboke kiyaele yo.
Nebeisa Maria meke
minyak narwastu fololo
bele liter bohi mbai roi na bumana
hele kayee rouke meke, Yesus noro
ranne rileungeboke mo, nauma yae norore
hobewoungue. Nebei imae ei minyak narwastu
fololo roroukoke hebewole.



Yesus na moisa orowate yo me bee oro hi nen bee bele nolona hi na ro Yudas Iskariot. Neyae Yesusre kelaise nenendere imam yun-jun bokore eke. Nda a mekai boroukatene rei mai sele kowate, roi yae inyainyelere a hokaikoke. Nebei heera Yudas kinyemmibondere monne baewole.




Yesus ukeumi hului yae na moisa
orowate yo mokaiboke. Ekate
Paskah ya kaban naei rambun
nanemene mokainyehake. Ramanne
anewate hee Yesus feu rouke, helen
foise mo Allahre ukeungera, nebei feu
me yae kaiwole na moisa orowate
yore wahewoumi na a bele weumi,
“Yaron, anen, nda Raei uwa
melen.”




Nebeisa bu kolaeinya rouke, Allahre helen foise mo ukeunge, nebeisa ikeumi na a bele weumi, “Nda kolaeinya bu mayae nanemene anensimbe. Rabuhine ban nda Raei uwa na ha. Nda ha yaere Allah a heteungekoke nibi neme ro miyaere wali himalainyeboke yo yae me baemmile a elaekei yeuboke. Ro miyae helen naei beko faeinyeremibonde naeise nda ha yae rilerebonde.”



Yesus na moisa orowate ro mbai na ro Simon. Yesus yae weunge, “Simon, Simon, boroyae! Walobo yun meke riyeufehike ware wabeneifitere. Nebeibe Simon, Reyae waei naei ebeli Allahre bowanale hila rabobe nelae yae mo hebele. Weyae benen bukeufinde Raei a ufete hului nekele ya, waei aka baeke hiwa yo naei hila rabore elae eumiyende.”



Petrus yae weunge, “Tuhan, ware kawane
henayeikotena, honayeibotena, raei uwa
mokoungihakale Wangkele mbainye nekale.”
Nebeibe Yesus yae weunge, “Petrus, mana ya ojo
mukuu a namman okoikoi mo, Rare weyae waeisaei
ban mae roko name weumikonde.”



Yesus na moisa orowate yo
bele nanembaisa ewate,
anuwau mbai na ro
Getsemani nebeinye
aibaleke. Nebeisa weumi,
“Reyae ndire ebeli
boikoise erelerene, mayae
ndane mo nekembe.” Yesus
yae weunge, “Arai, Raei
Maeko, rahe rambunbe
Weyae na hului ban? Beko
hubarende belene Rare hole
moloufebonde. Nebeibe Raei
kena hului yae ban, Waei
kenare koyae hului yae bende.”



Nebei anuwaufe Yudas yae felayo homo mbai bele imam yun-jun bele Farisi bele yae ukaimile abu ako yo belere yaweumiboke. Nebei homona yo yae kaijeu wa isehe roraiboke bele na fela menda bele yaraikoke ewate. Nebeisa Yesus na moisa orowate ro hi ramiyaeli yae uke bae, imam kaban nabu ako na angkaei meube reufibe neufake ruke. Nebeibe Yesus yae weunge, “Ninae okoijae!” Nebeisa nebei ro nangkaeise mo ikileungeboke na hibi foi yeuboke.




Yesusre ikilaiboke, na hibi hele yawainyehoke imam kabanbe imaene ewate. Yesusre yawainyehoke ewate moisa Petrus na ahau folo yae hakoumiboke.

Nebeinya ro miyae uware akelenate naeise imaehou nolone i ralo kaban mokaibokene nuwaikoke. Petrus na nolone eunguweuboke.



Imam kaban na yebaei
bubaei na angkaeise
neufake kiyae yohona
yae Petrusre weunge,
“Weyae niyaebe ya?
Zaitun heke einye ndi ro
bele nanembembane
erekawale hebewoube!”
Petrus benen weumi, “Reyae
ban ma.” Nebei haei yae ojo
mukuu a koukoke. Petrus nebei
abe u bene nekeungehikene,
imaehou moise eke rime
a yan bu yan rimewole.



Nebei are kolainye yo nemene
ainyukate, Yesusre yawainyehoke
Ondofolo Pilatusle bere ekate.
Nebeinye Pilatus Yesusre hineunge,
“Na hele Weyae Yahudi
naei Ondofolo?” Yesus
yae weunge, “Wenaeijae
nane merau eleyae.”
Pilatus kena kowole
Yesusre hayennekonderene,

nebeiro miyae arilewolerearoko
hi bele a uwoumi. Nebeibe nebei
yo yae kaenate, “Nare ohaline
bongko! Nare ohaline bongko!”




Nebeisa ohaline bonaikonde naeise
Pilatus nda yore kinyeumiboke.
Nebeinye felayo Yesusre
yawainyehoke ewate. Yesus
nenaеijae ohali na bakane kaeuboke
aloungekoke anuwau na ro Yun Bo
meke (“yun bo” Ibrani afaeunge
“Golgota”).



Nebei anuwaunge Yesus ohaline baikoke. Ro bee bele nanembainye baikoke, hi na meli reufine hi na meubene Yesus na nolone.



Hu na nukui u yeuboke, Allahle imaene malo kaban heere folaikoke uke fo beere raweukoke. Yesus kali na kaban don mae kaenele, “Arai! Raei unulu Waei me einye kinyawale!” Nebei are mo eleukoke bae, na no na hibi hokoukoke.



Ro mbai Yusuf Arimatea yona ro na
fe ban mae Pilatusle bokore eke
Yesusle here no hilolere
rowendere riwounge. Nda
Yusuf Yahudi yoyo
koseyo holona rore
rowainye.

Allah yae Wali
Ondofolole me kelee
u keleene nekate ro
miyae holone
memmikaenendere
rakeyeunge kiyae.



Nebeisa Yusuf malo lenan roi yae
rouke, Yesus hereke no
ruboungeboke oke, Yesus
hereke no ruboungeboke
oke, nebei malo
maye-mayene
ruleufikera kaeuboke
bulei ruka bulunane
nekeunge.

Nebei bulei romaufe
ahengkondere ruka
kaban mae
oleungekoke
aheukoke.



Ya heuboke mo, Paskah raman
mokoisayainye ya baeufoke mo,
imam yun-jun bele Farisi
holona bele nanembaisa
Pilatusle bokore ekate,
wainye, “Rowa, meyae
bene nekeumehike
ndi ro hereke na
waline nekewole
hee

ame-ame
bewoumi
eleweke,

‘Ya name mo Reyae arenunde’.”



“Nda yo ekate kayaaayo yae
hakaimiboke, romau ruka yae
mokaibokene me nou
herawaikoke. Nebei ruka
bulei kayaa yae
hebewate.”



Sabat ya moi woke, nebei mon ya
mbai nendo, ya eiwo meiwo kowole
hee Maria Magdalena, Maria
hi kiyae, ruka bulei
ereiboise ewote.

Oinyeu kaban sele
hineuboke rabuhine
ban Allah Naei
malaikat mbai
yaku

bumara oke,
nebei bulei romau
ahaeinyekoke ruka
oleungekoke, na
ranne nuweuboke
nekewole.



Ruka bulei kayaane hebewate
felayo buhae hokoumiboke,
oro me bae hayaeiboke,
ane balewate, here no
wanen mae honowate.



Nebei miyae beere malaikat yae weumi, “Mayae buhae ohokoijae! Reyae raeisaei Yesus ohaline baikoke Kiyaebe mayae baeimeyaunge. Nda anuwaunge ohonoi. Mare na bere a uwombe huluinye aunguke. Men, uware

nekainyele honowole anuwau ijoko memerembo.”




Nebei miyae-miyae u hale me hale ruka
bulei ijenda alainyekoke, fe waku kowate
nebeibe nane merau rei mai
hubawainye. Malaikat yae ukeumi
are Yesus na moisa orowate yore
ungaimilerene oro yae
habeleyeke.



Nebeisa habeleyeke hee yae Yesus nda miyae bee bele huhu baikoke. Yesus yae ro melaeyeumiboke weumi, “Mai foi.” Nda miyae bee Yesus na bokore mekete, oro selen-selen roroikoke, norora aeinyefoke, ei molowoinye.





Nebeisa Yesus na moisa orowate me bee oro nen mbai belere ramanne anewate haei yae na uwa meumiyakauboke. Yesus a elaekei sele yae yarewoumi, rabuhine ban naei hila rabo elae ban yaeiboke nane merau Yesus hereke aungekera erainyeboke yo yae huwaimile are na hele eleikoi. Aei Tuhan Kiyae, Yesus, a weumikoke baeufokera, surgare raneuweke ewole, Allahle meube reufine eunguweuboke.



Allah yae nda kani kelana ro miyaere
kena buhae u buhae kaban hewoumi
aerene Reyae Na Kelu mbai ken sele
kinyeumiboke.



Nde maenin mae Raei a elalere
hila rabo halensele kiyae Allah bele
ewaheikoi nebeibe wali hena bona
endowende naeise, Reyae
hererelere Allah ukeufe mekale.



Roma 3:23 rabuhine ban ro miyae nanemene u mekai beko mo mokowate nane merau Allah kena ure kiteumiboke ma huluinye enekei.

Roma 6:23 U mekai beko mokoyate ro miyae Allah bele wahenaikonde huba ban haei ban nekenayende, here no unulu bele wahaeikoke wanen, nebeibe Allah yae aei Tuhan Yesus Wali Ondofolo bele mbainye nekate ro miyaere wali hena bona u mekai hubainye.

Ibrani 9:27 Allah merau raneungehike ro miyae roko mbai sele herende, nebeisa naei walire Allah huluise emmikolonde wanen,



Efesus 2:8,9 Allah na kena buhae aere ban mae hewombe yae Yesus Wali Ondofolo Naei a elelere hila rabo halaeunge walora mai wali hole molombokembe. Nebei rambun Allah Nenaiejae mokouboke, mai me u mokowaubene ban. Mai wali holere molombokembe naeise mai me u foi mokowaubene ban. Nebei mekainye aei u nolo u kainye ro miyae hi na uware ekaei sului.

Roma 10:9,10 Mai euwa yae Yesus Wali Ondofolore Tuhan mae wo kaube nane merau mai kena u eisa Yesus Wali Ondofolo here u nolo u kaisa Allah yae aungunuke yae na hele elaubena, Allah yae hole enemmolombombe. Ro miyae kena u eisa hila rabo haleikoyatene, wali himalonainyele. Nane merau neuwa yae ro miyae naei bene wo koikoyatene, Allah yae wali hole emmimolombonde.



Yohanes 3:16,17 Allah yae nda kani kelana ro miyaere kena buhae u buhae kaban hewoumi aerene Reyae Na Kelu mbai ken sele kinyeumiboke. Nde maenin mae Raei a elalere hila rabo halensele kiyae Allah bele ewaheikoi nebeibe wali hena bona endowende naeise, Reyae hererelere Allah ukeufe mekale. Ro miyaere me noremiyonde naeise ban, nebeibe naeinya hesele nda kani kelana ro miyae holere moloremibonde naeise, Allah na Kelu Reyae nda kani kelare ukeufe mekale.



1 Yohanes 5:11-13 Allah yae Yesusle naeise nda are ukeume, “Raei Kelule walora mare wali hena bona ikamale.” Nde yae Allahle Kelure hila rabo halennele kiyae, Allah yae elele are na kena einye nekende. Nebeibe Allah yae Naei Kelule a elelere na hele ban mae elate ro miyae Allahre ame-ame bele Kiyae yae elate, rabuhine ban Allah yae Na Kelu naei a eleukokere na hele ban mae elaikokene. Nde yae Allahle Kelu bele mbainye nekete kiyae, wali hena bona hubannende. Nde yae Allahle Kelu bele mbainye enekei kiyae, wali hena bona ehubaikoi. Mayae Allahle Kelu naei Rore hila rabo halaeube holona yore, mayae wali hena bona yaraukokere isaeisembombere reyae nda homo molale.



Matius 26-28; Lukas 22-24; Yohanes 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Sentani NT (set) © 2020, Wycliffe Bible Translators, Inc. All rights reserved.

<https://www.bible.com/en-GB/bible/2526/MAT.1>

©2025 Bible for Children, Inc.

www.M1914.org

www.bibleforchildren.org

